

„გამტკიცებ“

თბილისის ფეხბურთის ფედერაციის

პრეზიდენტი

გ. ცხავა

16.04.2025 წ



„მომავლის თასი - 2025“

ივიკო ჭელიძის სახელობის IX ტრადიციული ტურნირი

2013 წელს დაბადებულ მოზარდთა გუნდებს შორის

21 – 25 მაისი

სპაერის სტადიონი

რ ე გ ლ ა მ ე ნ ტ ი

1. მიზანი და ამოცანები

- ფეხბურთის განვითარება და პოპულარიზაცია;
- საფეხბურთო გუნდებისათვის რეზერვების მომზადება;
- საქართველოს ნაკრები გუნდებისათვის პერსპექტიული ფეხბურთელების შერჩევა;
- ჯანმრთელი ცხოვრების წესის პროპაგანდა;
- გამარჯვებული გუნდების გამოვლენა.

2. შეჯიბრების ხელმძღვანელობა

- ტურნირის ხელმძღვანელობს თბილისის ფეხბურთის ფედერაცია (შემდგომში თფფ).
- თამაშები ჩატარდება ქ. თბილისში, ყვარლის ქუჩა 160 „სპაერის“ სტადიონზე.



### 3. მონაწილე გუნდები

- 3.1. შეჯიბრებაში მონაწილეობას მიიღებენ თბილისის, საფეხბურთო სკოლების აღსაზრდელები, 2013 წელს დაბადებული ბავშვები, 16 გუნდი.
- 3.2. მატჩის ხანგრძლიობაა 40 წუთი (20 – 20წთ.), 5 წუთი შესვენებით;
- 3.3. გუნდები ითამაშებენ სისტემით: 1 კარში და 8 წინ.
- 3.4. ქულების დარიცხვა მოხდება შემდეგნაირად: მოგება - 3 ქულა, ფრე - 1 ქულა, წაგება - 0 ქულა;
- 3.5. თანაბარი ქულების დაგროვების შემთხვევაში, ადგილები გაირკვევა შემდეგი პრიორიტეტული პრინციპებით:
  - 3.5.1. მოგებათა მეტი რაოდენობა;
  - 3.5.2. უშვალოდ ერთმანეთთან შეხვედრების შედეგი.
  - 3.5.3. ჯგუფში გატანილი და მიღებული ბურთების უკეთესი სხვაობა;
  - 3.5.4. ჯგუფში გატანილი ბურთების მეტი რაოდენობა;
  - 3.5.5. ფეიერ-ფლეის შედეგები; თუ გუნდებს ეს მაჩვენებელიც თანაბარი აღმოაჩნდებათ, ადგილების გამოსავლენად მოეწყოება კენჭისყრა.
  - 3.5.6. ჯგუფებში გუნდების არათანაბარი რაოდენობის შემთხვევაში, ქულების დათვლა მოხდება ყველა ჯგუფში გუნდების თანაბარი რაოდენობის გათვალისწინებით.
  - 3.5.7. იმ შემთხვევაში თუ საჭირო შეიქმნა საუკეთესო მესამე ადგილოსნების გამოვლენა გამოყენებული იქნება შემდეგი პრინციპი. პირველად უპირატესობა მიეცემა გუნდს ვისაც მეტი ქულები აქვს დაგროვილი ჯგუფებში მესამე ადგილზე გასულ გუნდებს შორის, შემდეგ მიღებული და გაშვებული ბურთების უკეთესი ბალანსი, ხოლო ბოლოს მეტი გატანილი ბურთები. თუ გუნდებს ეს მაჩვენებელიც თანაბარი აღმოაჩნდებათ, ადგილების გამოსავლენად მოეწყოება კენჭისყრა.
- 3.6. გუნდის მწვრთნელი ვალდებულია შეხვედრის დაწყებამდე 15 წუთით ადრე მატჩის ტექნიკურ ოქმში შეიყვანოს მაქსიმუმ 16 ფეხბურთელი.
- 3.7. თამაშის ოქმს მატჩის დაწყებამდე ხელს აწერენ გუნდების წარმომადგენლები და მთავარი მსაჯი.
- 3.8. გუნდს უნდა ჰქონდეს ორი მკვეთრად განსხვავებული ფერი ფორმა, რის შესახებაც წერილობით უნდა აცნობოს თფფ-ს განაცხადის შეტანის დროს;
- 3.9. ფედერაცია ვალდებულია სტადიონზე იყოლიოს კვალიფიციური სამედიცინო პერსონალი, ასევე უზრუნველყოს საზოგადოებრივი წესრიგის დამცველთა საჭირო რაოდენობა.



3.10. ტურნირში ნებადართულია ფეხბურთელების მუდმივი ცვლა;

შეცვლები დაშვებულია, როცა ბურთი თამაშიდან გასულია.

3.11. მატჩის დაწყების დროს განსაზღვრავს თფფ.

#### 4. გუნდების განაცხადების გაფორმება

- 4.1. გუნდებმა განაცხადები თფფ-ში უნდა წარმოადგინონ არაუგვიანეს 2025 წლის 20 მაისისა.
- 4.2. თითოეული გუნდის განაცხადი დგება ერთ ეგზემპლარად და მასში უნდა იყოს მინიმუმ 12, მაქსიმუმ 16 ფეხბურთელი.
- 4.3. რეგიონებიდან ჩამოსულ გუნდებს განაცხადზე უნდა ჰქონდეთ რეგიონალური ფედერაციის ბეჭედი.
- 4.4. განაცხადთან ერთად გუნდებმა უნდა წარმოადგინონ საგანმანათლებლო სკოლის ცნობა, ასაკის ჩვენებით დამტკიცებული დირექტორის ბეჭდით.
- 4.5. გუნდის განაცხადი დამოწმებული უნდა იყოს შესაბამისი რეგიონის ჯანმრთელობის დაცვის სამსახურის ხელმძღვანელის ბეჭდით.

#### 5. ჩემპიონატის ჩატარების სისტემა

- 5.1. ტურნირი ჩატარდება ჯერ წინასწარ ჯგუფურ, ხოლო ფინალურ ეტაპზე ოლიმპიური სისტემით.

#### 6. მსაჯობა

- 6.1. თფფ-ს მიერ ჩატარებულ საფეხბურთო ტურნირს მოემსახურებიან თფფ-ს სამსაჯო განყოფილების მიერ დანიშნული მსაჯები და მათი მომსახურების ხარჯებს აანაზღაურებს თფფ;
- 6.2. მსაჯი ვალდებულია, შეჯიბრების ტექნიკურ ოქმში აღნიშნოს მოთამაშეთა გაფრთხილებისა და მინდვრიდან გაძევების შემთხვევები დროის ჩვენებით და დანაშაულის ზუსტი განსაზღვრით.
- 6.3. მსაჯი ვალდებულია გუნდის თამაშზე დაგვიანება ან გამოუცხადებლობა გააფორმოს თამაშის ოქმში, რომლის შესახებაც უნდა აცნობოს თფფ-ს.



## 7. საჩივრის შეტანის წესი

- 7.1. გუნდის წარმომადგენელი ვალდებულია საჩივრის შემთხვევაში გააფრთხილოს მატჩის დამთავრებისთანავე მოწინააღმდეგე გუნდის ხელმძღვანელობა და მთავარი მსაჯი.

## 8. სადისციპლინო სანქციები

- 8.1. გამოყენებული იქნება თფფ-ს მოზარდთა და ბავშვთა ლიგის სადისციპლინო კოდექსი.
- 8.2. მოედნიდან გაძევებული ფეხბურთელი ვერ გააგრძელებს აღნიშნულ მატჩს, გუნდს შეუძლია მის ნაცვლად ათამაშოს ოქმში მყოფი ნებისმიერი ფეხბურთელი.

## 9. ფინანსები

- 9.1. ჩამოსული სტუმრების დაბინავების და კვების ხარჯებს იღებს კლუბი.
- 9.2. ტურნირში მონაწილეობის თანხაა 400 ( ოთხასი ) ლარი

თფფ-ს საბანკო რეკვიზიტებია:

ა(ა) იპ. ქ. თბილისის ფეხბურთის ფედერაცია

ს.კ. 202886519

ს.ს „ლიბერთი ბანკი“

ბანკის კოდი LBRTGE22

ანგარიშის ნომერი GE36LB0115112049422000



## 10. დაჯილდოება

- 10.1. „მომავლის თასის“ გამარჯვებული და საპრიზო ადგილებზე გასული გუნდები დაჯილდოვდებიან თასებით, სიგელებით, ოქროს, ვერცხლის და ბრინჯაოს მედლებით.
- 10.2. „მომავლის თასის“ გათამაშებაში პირველ, მეორე და მესამე საპრიზო ადგილებზე გასული გუნდები დაჯილდოვდებიან სათამაშო ფორმის კომპლექტებით, ხოლო სამივე მწვრთნელი სპორტული კოსტუმით.
- 10.3. ტურნირში გამოვლინდება „ყველაზე მებრძოლი გუნდი“ ( IV ადგილი ), რომელიც დაჯილდოვდება თასით და სიგელით.
- 10.4. „მომავლის თასის“ ფინალურ თამაშებში გამოვლინდებიან საუკეთესო ფეხბურთელები შემდეგ ნომინაციებში: „საუკეთესო მეკარე“, „საუკეთესო მცველი“, „საუკეთესო თავდამსხმელი“, „საუკეთესო ფეხბურთელი“, რომლებიც დაჯილდოვდებიან შესაბამისი პრიზებით და სიგელებით.